

ТӨСӨЛ

Журамд нэмэлт, өөрчлөлт оруулах тухай

Засгийн газрын агентлагийн эрх зүйн байдлын тухай хуулийн 8 дугаар зүйлийн 8.4 дэх хэсэг, Гаалийн тухай хуулийн 79 дүгээр зүйлийн 79.7 дахь хэсэг, 268¹ дугаар зүйлийн 268¹.1.1 дэх заалт, 269¹ дүгээр зүйлийн 269¹.1.1 дэх заалт, 270¹ дугаар зүйлийн 270¹.1.4 дэх заалт, 271¹ дүгээр зүйлийн 271¹.1.1, 271¹.1.2 дахь заалт, Мэргэжлийн зөвлөлийн хуралдааны 2022 оны . . . дүгээр сарын . . .-ний өдрийн . . . дугаартай шийдвэрийг тус тус үндэслэн ТУШААХ нь:

1.Гаалийн ерөнхий газрын даргын 2019 оны Журам батлах тухай А/276 дугаар тушаалын 1 дүгээр хавсралтаар батлагдсан “Гаалийн баталгаат агуулахын горим хэрэгжүүлэх журам”-ын 1 дүгээр зүйлийн 1.4, 1.8, 1.10, 1.11, 4 дүгээр зүйлийн 4.1.5, 4.5, 5 дугаар зүйлийн 5.3.1, 5.4 дэх хэсгийг дор дурдсанаар өөрчлөн найруулж, 4.9 дэх хэсгийг нэмсүгэй.

1.4.Гаалийн баталгаат агуулахын үйл ажиллагаа эрхлэх зөвшөөрөл авах хуулийн этгээд нь хүсэлт, Аж ахуйн үйл ажиллагааны тусгай зөвшөөрлийн тухай хуулийн 11 дүгээр зүйлийн 11.1.1-11.1.4, Гаалийн тухай хуулийн 139 дүгээр зүйлд заасан бичиг баримтыг бүрдүүлэн, гаалийн удирдах төв байгууллагад цахимаар ирүүлнэ.

1.8.Гаалийн баталгаат агуулахын үйл ажиллагаа эрхлэх зөвшөөрлийн хугацаа сунгах, агуулахын зориулалт, агуулахын талбайн хэмжээ, байршил болон төрөл өөрчлөх агуулахын үйл ажиллагаа эрхлэх зөвшөөрөл эзэмшигч зөвшөөрлөө хүчингүй болгуулах талаар өөрөө цахимаар хүсэлт гаргасан тохиолдолд гаалийн удирдах төв байгууллагын дарга тушаал гаргаж шийдвэрлэнэ.

1.10.Гаалийн баталгаат агуулахын үйл ажиллагаа эрхлэх зөвшөөрөл авах хүсэлт гаргасан аж ахуйн нэгж, байгууллага “Өөрийн үнэлгээний хуудас”-ыг цахимаар бөглөж, гаалийн удирдах төв байгууллагад ирүүлнэ.

1.11.Гаалийн баталгаат агуулахын үйл ажиллагаа эрхлэх зөвшөөрлийн хугацааг сунгуулах хүсэлт гаргахдаа энэ журмын 1.9-д заасан гэрээг дүгнүүлэн, “Өөрийн үнэлгээний хуудас”-аас аль тохирохыг цахимаар бөглөж, гаалийн удирдах төв байгууллагад ирүүлнэ.

4.1.5.тухайн үйл ажиллагаанаас эрсдэл үүссэн тохиолдолд гаалийн болон бусад татвар, хураамжийг төлж, барагдуулах санхүүгийн чадавхитай болохоо сүүлийн 1 жилийн санхүүгийн тайлангаар нотолсон байх. Энэ шаардлага нь Сангийн сайдын баталсан Аж ахуйн нэгж байгууллагын санхүүгийн тайланд шинжилгээ хийх үлгэрчилсэн аргачлалын дагуу үнэлэгдсэн байна;

4.5.Гаалийн баталгаат агуулахын үйл ажиллагаа эрхлэх зөвшөөрлийн хугацаа дуусахаас 30 хоногийн өмнө хугацаа сунгуулах хүсэлтийг цахимаар гаргана.

4.9.Худалдах, худалдан авах гэрээ, төлбөрийн баримт болон бусад бичиг баримтыг үндэслэн гаалийн баталгаат агуулахаас гарах барааны өмчлөх эрхийг шилжүүлж, гаалийн бүрдүүлэлт хийж болно. Энэ тохиолдолд мэдүүлгийн Илгээгч/Экспортлогч хүснэгтэд бараа өмчлөх эрхийг шилжүүлж байгаа аж ахуйн нэгж, иргэний нэр, харин Хүлээн авагч/Импортлогч хүснэгтэд өмчлөх эрх олж авч байгаа аж ахуйн нэгж, иргэний нэрийг бичнэ.

5.3.1.зөвшөөрөл эзэмшигч цахимаар хүсэлт гаргасан;

5.4.Гаалийн баталгаат агуулахын үйл ажиллагаа эрхлэх зөвшөөрлийн хугацаа дууссан бөгөөд энэ журмын 4.5-д заасны дагуу цахимаар хүсэлт гаргаагүй, гаалийн баталгаат агуулахын үйл ажиллагаа эрхлэх зөвшөөрөл эзэмшигч зөвшөөрлийг хүчингүй болгуулах хүсэлт цахимаар гаргасан тохиолдолд гаалийн удирдах төв байгууллагын дарга тушаал гаргаж, зөвшөөрлийг хүчингүй болгоно.

2.Гаалийн ерөнхий газрын даргын 2019 оны Журам батлах тухай А/276 дугаар тушаалын 2 дугаар хавсралтаар батлагдсан “Гаалийн баталгаат үйлдвэрийн газрын горим хэрэгжүүлэх журам”-ын 1 дүгээр зүйлийн 1.5, 1.9, 1.11, 1.12, 4 дүгээр зүйлийн 4.2.4, 4.4, 5 дугаар зүйлийн 5.3.1, 5.4 дэх хэсгийг дор дурдсанаар өөрчлөн найруулсугай.

1.5.Гаалийн баталгаат үйлдвэрийн газрын үйл ажиллагаа эрхлэх зөвшөөрөл авах хуулийн этгээд нь хүсэлт, Аж ахуйн үйл ажиллагааны тусгай зөвшөөрлийн тухай хуулийн 11 дүгээр зүйлийн 11.1.1-11.1.4, Гаалийн тухай хуулийн 139 дүгээр зүйлд заасан бичиг баримтыг бүрдүүлэн, гаалийн удирдах төв байгууллагад цахимаар ирүүлнэ.

1.9.Гаалийн баталгаат үйлдвэрийн газрын үйл ажиллагаа эрхлэх зөвшөөрлийн хугацаа сунгах, үйл ажиллагаа эрхлэх зөвшөөрөл эзэмшигч зөвшөөрлөө хүчингүй болгуулах талаар өөрөө цахимаар хүсэлт гаргасан тохиолдолд гаалийн удирдах төв байгууллагын дарга тушаал гаргаж шийдвэрлэнэ.

1.11.Гаалийн баталгаат үйлдвэрийн газрын үйл ажиллагаа эрхлэх зөвшөөрөл авах хүсэлт гаргасан аж ахуйн нэгж, байгууллага “Өөрийн үнэлгээний хуудас”-ыг цахимаар бөглөж, гаалийн удирдах төв байгууллагад ирүүлнэ.

1.12.Гаалийн баталгаат үйлдвэрийн газрын үйл ажиллагаа эрхлэх зөвшөөрлийн хугацааг сунгуулах хүсэлт гаргахдаа энэ журмын 1.10-д заасан гэрээг дүгнүүлэн, “Өөрийн үнэлгээний хуудас”-ыг цахимаар бөглөж, гаалийн удирдах төв байгууллагад ирүүлнэ.

4.2.4.тухайн үйл ажиллагаанаас эрсдэл үүссэн тохиолдолд гаалийн болон бусад татвар, хураамжийг төлж, барагдуулах санхүүгийн чадавхитай болохоо сүүлийн 1 жилийн санхүүгийн тайлангаар нотолсон байх. Энэ шаардлага нь

Сангийн сайдын баталсан Аж ахуйн нэгж байгууллагын санхүүгийн тайланд шинжилгээ хийх үлгэрчилсэн аргачлалын дагуу үнэлэгдсэн байна;

4.4.Гаалийн баталгаат үйлдвэрийн газрын үйл ажиллагаа эрхлэх зөвшөөрлийн хугацаа дуусахаас 30 хоногийн өмнө хугацаа сунгуулах хүсэлтийг гаалийн удирдах төв байгууллагад цахимаар гаргана.

5.3.1.зөвшөөрөл эзэмшигч цахимаар хүсэлт гаргасан;

5.4.Гаалийн баталгаат үйлдвэрийн газрын үйл ажиллагаа эрхлэх зөвшөөрлийн хугацаа дууссан бөгөөд энэ журмын 4.4-т заасны дагуу цахимаар хүсэлт гаргаагүй, гаалийн баталгаат үйлдвэрийн газрын үйл ажиллагаа эрхлэх зөвшөөрөл эзэмшигч зөвшөөрлийг хүчингүй болгуулах хүсэлт цахимаар гаргасан тохиолдолд гаалийн удирдах төв байгууллагын дарга тушаал гаргаж, зөвшөөрлийг хүчингүй болгоно.

3.Гаалийн ерөнхий газрын даргын 2019 оны Журам батлах тухай А/276 дугаар тушаалын 3 дугаар хавсралтаар батлагдсан “Гаалийн баталгаат үзэсгэлэнгийн газрын горим хэрэгжүүлэх журам”-ын 1 дүгээр зүйлийн 1.4, 1.8, 1.11, 12, 4 дүгээр зүйлийн 4.1.5, 4.1.9, 4.1.16, 4.3, 5 дугаар зүйлийн 5.3.1 дэх хэсгийг дор дурдсанаар өөрчлөн найруулж, 1.9 дэх хэсгийг хассугай.

1.4.Гаалийн баталгаат үзэсгэлэнгийн газрын үйл ажиллагаа эрхлэх зөвшөөрөл авах хуулийн этгээд хүсэлт, Аж ахуйн үйл ажиллагааны тусгай зөвшөөрлийн тухай хуулийн 11 дүгээр зүйлийн 11.1.1-11.1.4, Гаалийн тухай хуулийн 139 дүгээр зүйлд заасан бичиг баримт, гаалийн баталгаат үзэсгэлэнгийн газарт байрших бараа тэргүүний техник технологи болохыг тухайн салбар хариуцсан төрийн захиргааны төв байгууллагаас тодорхойлсон албан бичгийг бүрдүүлэн, гаалийн удирдах төв байгууллагад цахимаар ирүүлнэ.

1.8.Гаалийн баталгаат үзэсгэлэнгийн газрын үйл ажиллагаа эрхлэх зөвшөөрлийн хугацаа сунгах, зориулалт, талбайн хэмжээ, байршил өөрчлөх, гаалийн баталгаат үзэсгэлэнгийн газрын үйл ажиллагаа эрхлэх зөвшөөрөл эзэмшигч зөвшөөрлөө хүчингүй болгуулах талаар өөрөө цахимаар хүсэлт гаргасан тохиолдолд гаалийн удирдах төв байгууллагын дарга тушаал гаргаж шийдвэрлэнэ.

1.11.Үзэсгэлэнгийн газрын үйл ажиллагаа эрхлэх зөвшөөрөл авах хүсэлт гаргасан аж ахуйн нэгж, байгууллага “Өөрийн үнэлгээний хуудас”-ыг цахимаар бөглөж, хяналт тавих гаалийн байгууллагаар хянуулж, баталгаажуулалт хийлгэсэн байна.

1.12.Гаалийн баталгаат үзэсгэлэнгийн газрын үйл ажиллагаа эрхлэх зөвшөөрлийн хугацааг сунгуулах хүсэлт гаргахдаа энэ журмын 1.10-д заасан гэрээг дүгнүүлэн, “Өөрийн үнэлгээний хуудас”-ыг цахимаар бөглөж, гаалийн удирдах төв байгууллагад ирүүлнэ.

4.1.5.тухайн үйл ажиллагаанаас эрсдэл үүссэн тохиолдолд гаалийн болон бусад татвар, хураамжийг төлж, барагдуулах санхүүгийн чадавхитай болохоо сүүлийн 1 жилийн санхүүгийн тайлангаар нотолсон байх. Энэ шаардлага нь

Сангийн сайдын баталсан Аж ахуйн нэгж байгууллагын санхүүгийн тайланд шинжилгээ хийх үлгэрчилсэн аргачлалын дагуу үнэлэгдсэн байна;

4.1.9.гаалийн баталгаат үзэсгэлэнгийн газрын үйл ажиллагаа эрхлэх зөвшөөрөлд заасан байршил, зориулалт, талбайн хэмжээг өөрчилж болох бөгөөд энэ тохиолдолд шинэ талбайн хэмжээ, байрлал, барилга байгууламжийн зургийг холбогдох бусад материалын хамт бүрдүүлэн, гаалийн удирдах төв байгууллагад цахимаар хүсэлт гаргаж шийдвэрлүүлэх;

4.1.16.гаалийн баталгаат үзэсгэлэнгийн газрын үйл ажиллагаа явуулж байгаа аж ахуйн нэгж, байгууллага нь хяналтын камерыг бараа, ажил үйлчилгээ бүхэлдээ харагдах, гаалийн хяналтын шаардлага хангахуйц тоо хэмжээгээр тохирох газарт байрлуулна. Камерын бичлэгийг гаалийн хяналтын зорилгоор ашиглах шаардлага хангахуйц түвшинд хийж, хяналтын нийтлэг журамд заасан хугацаанд хадгалж, гаалийн байгууллагаас шаардсан хугацаанд гаргаж өгөх.

4.3.Гаалийн баталгаат үзэсгэлэнгийн газрын үйл ажиллагаа эрхлэх зөвшөөрлийн хугацаа дуусахаас 30 хоногийн өмнө хугацаа сунгуулах хүсэлтийг гаалийн удирдах төв байгууллагад цахимаар ирүүлнэ.

5.3.1.зөвшөөрөл эзэмшигч цахимаар хүсэлт гаргасан;

4.Гаалийн ерөнхий газрын даргын 2019 оны Журам батлах тухай А/276 дугаар тушаалын 4 дүгээр хавсралтаар батлагдсан “Гаалийн баталгаат барилгын талбайн горим хэрэгжүүлэх журам”-ын 1 дүгээр зүйлийн 1.4, 1.10, 4 дүгээр зүйлийн 4.1.5, 5 дугаар зүйлийн 5.3.1 дэх хэсгийг дор дурдсанаар өөрчлөн найруулсугай.

1.4.Гаалийн баталгаат барилгын талбайн үйл ажиллагаа эрхлэх зөвшөөрөл авах, хуулийн этгээд нь хүсэлт, Аж ахуйн үйл ажиллагааны тусгай зөвшөөрлийн тухай хуулийн 11 дүгээр зүйлийн 11.1.1.-11.1.4, Гаалийн тухай хуулийн 139 дүгээр зүйлд заасан бичиг баримт, гаалийн баталгаат барилгын талбайд барих барилга байгууламж нь Монгол Улсын эдийн засагт стратегийн чухал ач холбогдол бүхий барилга байгууламж болохыг нотолсон эрх бүхий байгууллагын шийдвэр гаргуулж, гаалийн удирдах төв байгууллагад цахимаар ирүүлнэ.

1.10.Барилгын талбайн үйл ажиллагаа эрхлэх зөвшөөрөл авах хүсэлт гаргасан аж ахуйн нэгж, байгууллага “Өөрийн үнэлгээний хуудас”-ыг цахимаар бөглөж, гаалийн удирдах төв байгууллагад ирүүлнэ.

4.1.5.тухайн үйл ажиллагаанаас эрсдэл үүссэн тохиолдолд гаалийн болон бусад татвар, хураамжийг төлж, барагдуулах санхүүгийн чадавхитай болохоо сүүлийн 1 жилийн санхүүгийн тайлангаар нотолсон байх. Энэ шаардлага нь Сангийн сайдын баталсан Аж ахуйн нэгж байгууллагын санхүүгийн тайланд шинжилгээ хийх үлгэрчилсэн аргачлалын дагуу үнэлэгдсэн байна;

5.3.1.зөвшөөрөл эзэмшигч цахимаар хүсэлт гаргасан;

5.Гаалийн ерөнхий газрын даргын 2019 оны Журам батлах тухай А/276 дугаар тушаалын 5 дугаар хавсралтаар батлагдсан “Татваргүй барааны дэлгүүрийн горим хэрэгжүүлэх журам”-ын 1 дүгээр зүйлийн 1.7, 2 дугаар зүйлийн 2.4, 4 дүгээр зүйлийн 4.1.23, 4.1.29, 5 дугаар зүйлийн 5.3.1, 5.3.6 дахь хэсгийг дор дурдсанаар өөрчлөн найруулж, 2.8 дахь хэсгийг нэмсүгэй.

1.7.Татваргүй барааны дэлгүүрийн үйл ажиллагаа эрхлэх зөвшөөрлийн хугацааг сунгуулах хүсэлт цахимаар гаргахдаа энэ журмын 1.6-д заасан гэрээг дүгнүүлэн, “Өөрийн үнэлгээний хуудас”-ыг цахимаар бөглөж, гаалийн удирдах төв байгууллагад ирүүлнэ.

2.4.Барааг гаалийн баталгаат агуулахаас татваргүй барааны дэлгүүрт оруулахад шаардах өмнөх бүрдүүлэлтийн горимын кодыг 700, 705;

2.8.Гаалийн бүрдүүлэлтийн горимын 742 кодоор бүрдүүлэлт хийхэд гаалийн баталгаат агуулахад 700 горимоор оруулсан гадаадын бараа, тухайн татваргүй барааны дэлгүүрээс гаалийн баталгаат агуулахад оруулах 705 горимд байршуулсан бараа хамаарна.

4.1.23.татваргүй барааны дэлгүүрийн үйл ажиллагаа эрхлэгч нь зөвшөөрөлд заасан хот, боомтод талбайн хэмжээ болон дэлгүүрийн байршлаа өөрчилж болох бөгөөд энэ тохиолдолд шинэ талбайн хэмжээ, байрлал, барилга байгууламжийн зургийг холбогдох бусад материалын хамт бүрдүүлж, гаалийн удирдах төв байгууллагад цахимаар хүргүүлэн хянуулж, зөвшөөрөл авсан байх;

4.1.29.татваргүй барааны дэлгүүрийн зөвшөөрлийн хугацаа дуусахаас 30 хоногийн өмнө хугацаа сунгуулах хүсэлтийг гаалийн удирдах төв байгууллагад цахимаар гаргасан байх.

5.3.1.татваргүй барааны дэлгүүрийн зөвшөөрөл эзэмшигч цахимаар хүсэлт гаргасан;

5.3.6.татваргүй барааны дэлгүүрийн үйл ажиллагаа эрхлэх зөвшөөрлийн хугацаа сунгуулах хүсэлтийг энэ журмын 4.1.29 дэх хэсэгт заасан хугацаанд цахимаар гаргаагүй.

6.Тушаалын биелэлтэд хяналт тавьж ажиллахыг Гаалийн хяналт, шалгалтын газар /П.Баттөр/, Хуулийн хэлтэс /С.Оюунцэцэг/-т тус тус үүрэг болгосугай.

ДАРГА

Б. АСРАЛТ

